



## Universitätsbibliothek Paderborn

**Francisci Baconi Baronis de Verulamio, Vice-Comitis S.  
Albani, Summi Angliæ Cancellarii, Opera omnia, Quæ  
extant: Philosophica, Moralia, Politica, Historica ...**

**Bacon, Francis**

**Francofurti ad Moenvm, 1665**

VI. De Dissimulatione & Simulatione.

**urn:nbn:de:bvb:12-bsb10497643-5**

Facta, & Doctrinas, iis Auctoritatem aliquam tribuentes; Ut magna ex parte jam pridem factum est. Certe optaneam illud, ut in omnibus circa Religionem Confiliis, ante oculos Hominum præfigeretur Monitum illud Apostoli: *Ira Hominis non implet Iustitiam Dei.* Atq; ut verum dicamus, optimè & prudentissime observatum est ab uno ex Patribus, profunda sapientiae viro; nec minus ingenue, & sincere, ab eodem prolatum, & evulgatum; *Eos, qui conscientias premi, iusq; vim inferri suadent, sub illo Dogmate, Cupidates suas subtexere, illamq; rem suam interesse, putare.*

## IV.

## DE VINDICTA.

**V**indicta agrestis quædam Justitia est; quæ quo magis in Humana Natura serpit, eo fortius Legibus severis est evellenda. Etenim *Injuria illata*, Legem tantummodo violat. At reposita, Legē auctoritate sua plane spoliat. Certe, in vindicanda *Injuria*, & qualem se quis Inimico suo silit; In remittenda vero, superiorem: *Regnum enim est, Ignoscere* Evidem memini dixisse Salomonem: *Honori est Homini, offensas preterire.* Quod jam præteriit, in integrum restitu noh potest: At prudentes sat habent prætentia & futura curare. Nugant igitur, & se frustra conturbant, qui præteriorum rerum fatagunt. *Injuriam nemo, Injuria ipsius causa*, infert; verum, ut ex ea, Lucri aliquid, aut Voluptatis, aut Honoris, sibi conciliat: Cur igitur cuique succensem, quod se potius quā me diligit? Quod si quis ex malfamitate mera sit injurious: quid tum: Etiam Spina & Rubus pungunt & lacerant, quia natura sua utuntur. *Vindicta precipue Excusationē* merentur, in iis *Injuriis*, de quibus Lege cautū non est. At simul propiciat quis, ut Gen⁹ vindiicta ejusmodi sit, quod non sit Legi obnoxium. Alias ipse fibi Pœnam conduplicat, Inimicus vero Lucrū facit. Sunt, qui, inter sumendum *Vindictam*, cupiunt, ut larsi intelligent, unde Malum illud sibi ingruerit. Nempe generosior est iste *Affectionis*: Siquidem vindicent illi non tam ipsa ultiōne delectari, quam ut lassum Facti sui peniteat. At vili ingenio prædicti, & malitiosi, instar sagittarum sunt, quæ per tenebras volant. Magnus *Dux Florentia Cosmus*, acutissimum telum vibravit in Amicos perfidos, aut injuriosos: *Legimus* (inquit) & mandatum habemus, ut Inimicis nostris ignoramus: at nusquam legitur, astringi nos, ad ignorantem Amicis. Verum Spiritus lob loquitur meliora: *Numnam* (inquit) de maria Dei bona accipiemus, neq; mala sit idem quandoq; sustinebimus? Quod etiam, aliquo modo, de Amicis dici par est. Hoc certissimum est, Hominem, qui *Vindicta* studet, sua vulnera refricare, quæ alias, sibi relicta, sanari & consolidari potuisse. Ultrones publice, maxima ex parte, præspere cedunt: Quales erant, propter cædem *Cesaris*, cæde *Pertinacis*, cæde *Henriti Quarti Magni illius Gallie Regis*, & aliorum complurium. At in *vindictis* privatis hoc minime tenet. Quin potius, *Homines Vindicativi* vita fere agunt *Venescarum*, quæ ut aliis sunt exitiabiles, ita ipsa plerumq; exitū infaustum sortiuntur,

## V.

## DE REBUS ADVERSIS.

**G**rande prorsus sonabat *Seneca*, more Stoico-Grū, cum diceret; *Bonarerum Secundarū opabilia, Adversarum mirabilia.* Certe, si Miraculum recte ponatur illud, quod Naturam superat, cernū-

tur Miracula maxima in *Calamitatibus*. At priorem illam Sententiam magniloquentiā superat, alterum ex ejus Dictis: Et excelsius quiddam est, quam *Ethnico* conveniat, *Vere magnum, habere Fragilitatem Hominis, Securitatem Dei.* Sane hoc Dictum in *Poesi* fuisset tolerabilius, ubi transcendentia ista magis probabantur. Ac ut verum dicamus, *Poeta* hoc intactum non reliquerunt. Eadem enim fere res est, quæ adumbratur, in portento illo *Poetarum* antiquorum Commento; Quod Mysterio videtur non carere; imo & Statum *Christianum* non obscurare referre; *Nimirum de Hercule*: Qui cum ad solvenda *Promethei* vincula proficisceretur, (in *Promerheo* autem figura Natura humanae repræsentatur) Oceani longitudinem in *poculo* *sigulino* emensus est; Ubi ad vivum *Christiana Constantia* depingitur, quæ in fragili carnis testa, per Mundi fluctus, undiq; circumfulos, navigat. Verum ut à Granditate verborum, ad *Mediocritatem* descendamus; *Rerum secundarum* præcipua virtus est *Temperantia, adversarum Fortitudo*: Quæ in Moralibus reputatur pro virtute maxime *Heroica*. Quin & *res prospéra*, ad *Veteris Testamenti* *Benedictiones*; *adversa*, ad *Novi Beatitudines*, pertinent: Quæ, & re ipsa majores sunt, & clariorē *Divini favoris* revelationem exhibent. Attamen etiam in *Veteri Testamento*, si *lyra Davidis* aures præbeas, plures inveneris *Threnos*, quam *Exultationes*. *Spiritus autem Sancti calamus*, diffusius tractavit *lobi afflictiones*, quam felicitatem *Salomonis*. *Res prospéra*, non sine plurimis timoribus & molestii transcurrunt; *Adversa* itidem suis solatiis & spe non vacant. Videmus certe in acupictis, melius placere, cum imagines, coloris lucidoris sunt, stamen autem tele, coloris magis opaci, quam cum stamen ipsum splendidius est, imagines autem tenebrosiores. *Judicium* igitur capi potest, quid cordi magis voluē sit, ex eo, quod oculos magis delectat. Habet certe *virtus* simile quiddam odoramentis quibusdam pretiosis; quæ fragrantissima sunt, aut incensa, aut tusa. Nam *fortuna prospéra* potissimum *vitia hominum* indicat, *adversa virtutes*.

## VI.

## DE DISSIMULATIONE ET SIMULATIONE.

**D**issimulatio est artium Civilium compendium quoddam, & ars infirmior: Etenim, & ingenium acre, & robur animi constans, ad hoc requiritur, ut quis sciāt, quando verum proferendum sit, atq; id facere audeat. Itaq; inter inferiores Politicos reponuntur, qui magni sunt *Simulatorē*. Quod discriben, bene apud *Tacitum, Cesarem Augustum* inter & *Tiberium*, adnotatū est. Etenim de *Livia* sic ait: Quod esset, cum artibus mariti, & simulatione filii, bene composita. *Artes Imperii Augusti, Simulationem Tiberio* attribuens. Idem alibi hisce verbis, *Mucianum* inducit, *Vespasianum* ad arma contra *Vitellium* sumenda hortantem: non adversus *Augusti* acerrimam mentem, nec adversus *Tiberii* causissimam senectutem, insurgimus. Quare hæ facultates, *Artium Civilium, & Simulationum*, sunt prorsus distinguedae. Esto igitur, ut sit felicis ita quisquam acuminis, tantæque perspicacia, ut distingueret queat, quæ palam facienda quæ occultanda, quæ tanquam in crepusculo producenda, temporum etiam & personarum ratione pensata; (Quæ revera artes sunt *Politica, & Civiles*, ut *Tacitus*

*Tacitus* eas recte appellat, ) huic *Dissimulatio* impedimento erit. Quo si quis, ad hunc judicii & discretionis gradum ascendere non valeat, ei relinquitur tanquam tutissimum, ut sit *Tectus*, & *Dissimulator*. Ibi enim in singulis non datur eligere, ibi in omnibus caute insisteret tutissimum est; Cæcipientibus enim lente movendur. Sane ubiq; reperias homines rerum tractandarum peritissimos, omnes fere Candorem, Ingenuitatem, & Veracitatem, in negotiis per se tulisse: Verum simul erant, tanquam equi, bene docti & domiti, qui subito se sistere, & le vertere, norant. Quod si necessitas quædam ingruat, *Dissimulationem* profundam postulans, tunc quidem opinio & fama, de bona fide & veritate eorum præconcepta, eos reddit proflus invisibilis.

*Consilia* & *mentem* *tegendi*, aut *velandi*, gradus sunt tres. Primus est, *Taciturnitas* cum quis sensus animi sui premit, adeoque relinquit in aequilibrio, ut in quam partem propendeat, nemo facile conjecterit. Secundus, *Dissimulatio* in *Negativa*, cū quis ex cōposito signa quædā & indicia jicit, se non eum esse, qui revera est. Tertius, *Simulatio* in *Affirmativa*, cum quis aperte fingit & præexit, se eum esse, qui revera non est.

Quantum ad Primum horum, *Taciturnitatem* scilicet; ea est certe *virtus Confessoris*. Atq; profecto, *vir taciturnus* multas audit *Confessiones*; *Quis enim garrulo, & loquaci, peccatus suum recludat?* Quod si quis famā habeat *virtutis taciturni*, facile aliorum animos reserabit: sicut aer clausus aperatum fugit. Atq; veluti *delicta confiteri*, non ad aliquem finem collimat, qui ad res Civiles tendit, sed ad conscientiam sublevandam: ita certe *homines taciturni*, ad multarum rerum Notitiam simili de causa pervenient, dum homines, non tam imperire, quam exonerare animum suum cupiant. Ut paucis dicamus, *mysteria silentibus* debentur. Praeterea, si verum loquuntur etiam in animo, & que ac in corpore, deformis & invenusta est nuditas: neque parvam addit reverentiam consilii & factis hominum, si minus pateant. At loquaces & fastiles, etiam plerumq; leves sunt, & crudeli. Qui enim eloquuntur quæ scit, effutiet etiam quæ nelicit. Ponatur igitur pro certo, *habitum Taciturnitatis virtutem esse Politicam & Moralem*. Sed & illud addendum est, bonum esse homini, ut *vultus suus lingua officium* non præripiat. Nam, *revelatio animi ex vultu*, aut *gestu* magnus est defectus, & quædam quasi *proditio*: eo magis, quod saepenumero plus notatur, & fidem facit, quam verba.

Quantum ad Secundum, *Dissimulationem* scilicet, ex necessitate quædam illa *Taciturnitatem* sequitur. Adeo ut qui *tectus* esse vult, *Dissimulator*, aliquatenus vel nolens evadet. Etenim altiiores sunt homines quam ut patientur aliquem in aequilibrio se contineat abfq; aliqua in alteram partem inclinationis sua declaratione. Ita quæstionibus subtilibus eum obsidebunt, & allicient, & excutient, ut, nisi obfirmato & absurdo silento se quis muniat, necesse ei fuerit, se non nihil prodere: Quinetiam si hoc non fecerit, ex silento ipso aliquid conjectare capient, non minus, quam ex verbis. Quod vero ad *Æquivocationes*, & *Oracula* verborum attinet non poterū illa diu valere. Ita ut nemo *tectus* esse queat, nisi aliquem *Dissimulationis* gradum

fibi indulget: Quæ nihil aliud est, quam silenti quædam appendix, aut limbus.

Quantum vero ad tertium gradum; nimurum *Simulationem*, & *Professionem falsam*: Illam magis virtuam, & minus Politicam, duco; nisi forte dignus vindice nodus inciderit. Itaq; perpetua *Conuentudo simulando*, vitium est, aut ex ingenii lubricitate quædam, vel timiditate, ortum; aut etiam, ex animi constitutione, qua virtus aliquo magno imbuta est: Quod, quia *occultare* oportet. *Simulationem* etiam in aliis adhibere & exercere efficit, ne forte habitus ipse intercidat.

*Commoda Simulationis*, & *Dissimulationis*, tria. Primum est, quod oppositionem amoliat, & homines imparatos aggrediatur: ubi enim consilia cujuspiam evulgata fuerint, *Adversarii*, veluti tuba, excitantur. Secundum est, quod in hominis potestate relinquat, ut pedem referat, & le abfq; existimationis sua jactura de negotio subducat. Si quis enim se manifesta declaratio ē obstringit, is cuneis quasi impactis includitur, aut pergendum est ei, aut turpiter desistendum. Tertium est, quod ad aliena consilia detegenda viam aperiat. Etenim ei, qui sua consilia profert, non facile quis se adversarium profiteatur, verum assentabatur potius; & libertatem loquendi, in libertatem cogitandi vertet. Itaque habetur apud Hispanos satis malignum Adagium: *Dic mendacium, & veritatem erues*. Perinde ac si *Simulationis* clavis esset ad secreta reseranda. Tria etiam sunt *Simulationis*, & *Dissimulationis*, *incommoda*, ut ex æquo res compensetur. Primum, quod illa timiditatem arguant: id quod omnibus negotiis plumas vellit, ne perniciter ad metam advolent. Secundum, quod in ancipite cogitationes animos complurium conjiciant, qui fortasse alias cooperaturi fuissent, & studio suo rem promoturi: unde sine socia & amica opera ad fines suos solus quis ambulet. Tertium est (idq; maximum,) quod præcipuo ad actiones organo hominem privet, minimum *Fide*. Optimum fuerit temperamentū, si quis *Veracitatis* famam obtineat, *Taciturnitatis* habitum, *Dissimulationis* usum tempestivum, & facultatem *Simulationis*, ubi opus fuerit.

## VII.

### DE PARENTIBUS ET LIBERIS.

*Gaudia Parentum* occultasunt; nec minus do-  
glares eorum, & metus. Illa certe verbis as-  
quiqueunt, hos autem proferre nolunt. Certe  
Liberi labores humanos suaviores, verū infortu-  
nia amiora, reddunt. Curas vita multiplicant, sed  
memoriam mortis mitigat. *Eternitas* sobolis et  
iam brutis communis est; Sed illa *Memoria Meritorum & Operum*, propria est hominibus. Atq; vi-  
dere sane est, Opera nobilissima, & fundationes, ab  
Orbis profecta, quibus effigies animorum exhibe-  
re cura erat, cum *corporis imaginibus* destituerentur. Adeo ut *Posteritati* maxime studeat, qui *Pos-  
teritate* carent. Qui honores in *familiam* suam pri-  
mi introducunt, erga *Liberos* indulgentissimi sunt:  
Intuentur siquidem eos, nontantū ut *continuatio-  
nem species suæ*, sed ut rerum à le gestarum heredes:  
ideoq; ut *Liberos*, & *Creaturas*. Gradus affectuum  
in *Parentibus* erga *Liberos* diversos, iape disparens  
sunt. Aliquando iniqui: ac potissimum in *mare*.  
Unde *Salomon* dicit: *Filius sapiens letificat patrem;*  
*Filius vero stultus mœstitia est matris sua*. In domo  
ccc 3 fecunda